

全唐詩目 第二函

第二冊

太宗皇帝 一卷

高宗皇帝

中宗皇帝

睿宗皇帝 共一卷

明皇帝 一卷

肅宗皇帝

德宗皇帝

文宗皇帝

宣宗皇帝

昭宗皇帝

共一卷

文德皇后

則天皇后

徐賢妃

上官昭容

楊貴妃

江妃

共一卷

章懷太子

韓王元嘉

越王貞

信安王禕

共一卷

宣芬公主

宋若華

宋若昭

宋若憲

鮑君徽

蕭妃

共一卷

南唐先主李昇

嗣主璟

後主煜

韓王從善

吉王從謙

蜀主王建

後主衍

吳越王錢鏐

後主錢俶

後蜀嗣主孟景

閩王王繼鵬 共二卷

蜀太后徐氏

太妃徐氏 共二卷

全唐詩

太宗皇帝

帝姓李氏諱世民神堯次子聰明英武貞觀之治庶幾成康功德兼隆由漢以來未之有也而銳情經術初建秦邸卽開文學館召名儒十八人爲學士旣卽位殿左置弘文館悉引內學士番宿更休聽朝之間則與討論典籍雜以文詠或日昃夜艾未嘗少怠詩筆草隸卓越前古至於天文秀發沈麗高朗有唐三百年風雅之盛帝實有以啟之焉在位二十四年諡曰文集四十卷館閣書目詩一卷六十九首今編詩一卷

帝京篇十首

并序

予以萬幾之暇游息藝文觀列代之皇王考當時
之行事軒昊舜禹之上信無閒然矣至於秦皇周
穆漢武魏明峻宇雕牆窮侈極麗征稅殫於宇宙
轍迹徧於天下九州無以稱其求江海不能贍其
欲覆亡顛沛不亦宜乎予追蹤百王之末馳心千
載之下慷慨懷古想彼哲人庶以堯舜之風蕩秦
漢之弊用咸英之曲變爛熳之音求之人情不爲
難矣故觀文教於六經閱武功於七德臺榭取其
避燥濕金石尙其諧神人皆節之於中和不係之
於淫放故溝洫可悅何必江海之濱乎麟閣可翫
何必兩嶕陵之間乎忠良可接何必海上神仙乎

豐鎬可遊何必瑤池之上乎釋實求華以人從欲
亂於大道君子恥之故述帝京篇以明雅志云爾
秦川雄帝宅函谷壯皇居綺殿千尋起離宮百雉餘連
甍遙接漢飛觀迴凌虛雲日隱層闕風煙出綺疏

巖廊罷機務崇文聊駐輦玉匣啟龍圖金繩披鳳一作鳥篆

韋編斷仍一作旃續縹帙舒還卷對此乃淹留一作憂敲案觀墳

典

移步出詞林停輿欣武一作載宴琬弓寫明月駿馬疑流電

驚雁落虛弦啼猿悲急箭閱賞誠多美於茲乃忘倦

鳴笳臨樂館眺聽歡芳節急管韻朱絃清一作長歌凝白雪

彩鳳肅來儀一作下玄鶴紛成列去茲鄭衛聲雅音方可悅

御定全唐詩一 卷一 太宗皇帝

芳辰追

一作開

逸趣禁苑信多奇橋形通漢上峰勢接雲危

煙霞交隱映花鳥自參差何如肆轍跡萬里賞瑤池

飛蓋去芳園蘭橈遊翠渚萍

一作梁

間日彩亂荷處香風舉

桂楫滿中川弦歌振長嶼豈必

一作獨

汾河曲方爲歡宴所

落日雙闕昏回輿九重暮長煙散

一作引

初碧皎月澄輕素

褰幌翫琴書開軒引雲霧斜

一作銀

漢耿層閣清風搖玉樹

歡樂難再逢芳辰良可惜玉酒泛雲疊蘭肴陳綺席干

鍾合堯禹百獸諧金石得志重寸陰忘懷輕尺璧

建章歡賞夕二八盡妖妍羅綺昭陽殿芬芳瑋琬筵珮

移星正動扇掩月初圓無勞上懸圃卽此對神仙

以茲遊觀極悠然獨長想披卷

一作襟

覽前蹤撫躬尋旣往

望古茅茨約瞻今蘭殿廣人一作道惡高危虛心戒盈
蕩奉天竭誠敬臨民思惠養納善察忠諫明科慎刑賞
六五誠難繼四三非易仰廣待淳化敷方嗣云亭響

飲馬長城窟行

塞外悲風切、交河水已結、瀚海百重波、陰山千里雪、迴
戍危烽火、層巒引高節、悠悠卷旆旌、飲馬出長城、寒沙
連騎跡、朔吹斷邊聲、胡塵清玉塞、羌笛韻金鉦、絕漠干
戈戢、車徒振原隰、都尉反龍堆、將軍旋馬邑、揚麾氛霧
靜、紀石功名立、荒裔一戎衣、靈一作雲臺凱歌入

執契靜三邊

執契靜三邊、持衡臨萬姓、玉彩輝關燭、金華流日鏡、無

爲宇宙清有美璇璣正皎佩星連景飄衣雲結慶哉武
一作耀七德昇文輝九功煙波澄舊碧塵火息前紅霜野
韜蓮劒關城罷月弓錢綴榆天合新城柳塞空花銷蔥
嶺雪縠盡流沙霧秋駕轉兢懷春冰彌軫慮書絕龍庭
羽烽休鳳穴戍衣宵寢二難食旰餐三懼剪暴興先廢
除兇存昔亡圓蓋歸天壤一作壤方輿入地荒孔海池京邑
雙河沼帝鄉循一作修躬思勵已撫俗媿時康元首佇鹽梅
股肱惟輔弼羽賢螭嶺四翼聖襄城七澆俗庶反淳替
文聊就質已知隆至道共歡區宇一

正日臨朝

條風開獻節灰律動初陽百蠻奉遐賁萬國朝未央雖

無舜禹迹幸欣天地康車軌同八表書文混四方赫奕
儼冠蓋紛綸盛服章羽旄飛馳道鐘鼓震巖廊組練
輝霞色霜戟耀朝光晨宵懷至理終媿撫遐荒

幸武功慶善宮

樂府詩題作唐功成慶善樂舞辭二曰九功舞殿
庭朝會所奏文舞也新唐書禮樂志曰太宗生

於武功之慶善宮貞觀六年幸之宴從臣賞賜閭里同漢沛宛帝歡賦
詩呂才破之管絃名曰功成慶善樂以童兒六十四人冠進德冠紫袴長
襖束髻屣履而舞舊書樂志曰慶善樂太宗所造也名九功之舞舞蹈
安徐以象文德治而天下安樂也冬正享燕及國有大慶與七德舞偕奏
於庭

壽丘唯舊跡鄠邑乃前基粵子承累聖懸弧亦在茲弱

齡逢運改提劒鬱匡時指麾八荒定懷柔萬國夷梯山

咸一作盛

入款駕海亦來思單于陪武帳日逐衛文櫬端宸

朝四岳無爲任百司霜節明秋景輕水結水湄芸黃徧

原隰禾穎積京畿一作共樂還鄉一作宴歡比大風詩

重幸武功

代馬依朔吹驚禽愁昔叢况茲承眷一作德懷舊感深衷

積善忻餘慶暢武悅成一作功垂衣天下治端拱車書同

白水巡前跡丹陵幸舊宮列筵歡故老高宴聚新豐駐

蹕撫田畯回輿訪牧童一作瑞氣縈丹闕祥煙散碧空孤

嶼含霜白遙山帶日紅於焉歡擊筑聊以詠南風

經破薛舉戰地

義寧元年擊舉於扶風敗之

昔年懷壯氣提戈初仗節心隨朗日高志與一作秋霜潔

移鋒驚電起轉戰長河洩營碎落星沈陣卷橫雲裂一

揮氛沴靜再舉鯨鯢滅於茲俯舊原屬目駐華軒沈沙

無故迹滅竈有殘痕浪霞穿水淨峰霧抱一作拖蓮昏世途
亟流易人事殊今昔長想眺前蹤撫躬聊自適

過舊宅二首

新豐停翠輦、譙邑駐鳴笳、園荒一徑斷、苔古一作臺半階斜、
前池消舊水、昔樹發今花、一朝辭此一作北地、四海遂爲一作成家、

金輿巡白水、玉輦駐新豐、紐落藤披架、花殘菊破叢、葉一作鋪鋪一作鋪荒草蔓、流竭半池空、紉珮蘭凋一作生徑、舒圭葉剪桐、
昔地一蕃內、今宅九圍中、架海波澄鏡、韜戈器反農、八
表文同軌、無勞歌大風、

還陝述懷

御定全唐詩
太宗皇帝
五
雙峰書堂

慨然撫長劒、濟世豈邀名、星旂紛電舉、日羽肅天行、徧
野屯萬騎、臨原駐五營、登山麾武節、背水縱神兵、在昔
戎戈動、今來宇宙平。

入潼關

崤函稱地險、襟帶壯兩京、霜峰直臨道、冰河曲繞城、古
木參差影、寒猿斷續聲、冠蓋往來合、風塵朝夕驚、高談
先馬度、僞曉預雞鳴、棄繻懷遠志、封泥負壯情、別解有
真人氣、安知名不名。

於北平作

翠野駐戎軒、盧龍轉征旆、遙山麗如綺、長流縈似帶、海
氣百重樓、巖松千丈蓋、一作三尺大茲焉可遊賞、何必襄城外。

遼城望月

玄兔月初明，澄輝照遼碣。
映雲光暫隱，隔樹花如綴。
魄滿桂枝圓，輪虧鏡彩缺。
臨城却影散，帶暈重圍結。
駐蹕俯九都，停一作觀妖氛滅。

春日登陝州城樓俯眺原野迴丹一作碧綴煙霞
密翠斑紅芳菲花柳即目川岫聊以命回

碧原開霧隰，綺嶺峻霞城。
煙峰高下翠，日浪淺深明。
斑紅粧樂樹，圓青壓溜荆。
迹巖勞傳想，窺野訪莘情。
巨川何以濟，舟楫佇時英。

春日玄武門宴羣臣

韶光開令序，淑氣動芳年。
駐輦華林側，高宴柏梁前。
紫

庭文珮一作樹滿丹墀袞紱連九夷簞瑤席五狄列瓊筵娛

賓歌湛露廣樂奏鈞天清一作盈尊浮綠醕雅曲韻朱弦粵

余君一作臨萬國還慙撫一作俯八埏庶幾保貞固虛己厲求賢

登三臺言志

未央初壯漢阿房昔侈秦在危猶驪麗居奢遂役人豈

如家四海日宇聲一作整朝倫一作輪扇天裁戶舊砌地翦基新

引月擎一作繁宵桂飄雲逼曙鱗露除光炫玉霜闕映雕銀

舞接花梁燕歌迎鳥路塵鏡池波太液莊苑麗宜春作

異甘泉日停非路寢辰念勞慙逸已居曠返勞神所欣

成大厦宏材一作寵伫一作臨渭濱

出獵

楚王雲夢澤漢帝長楊宮豈若因農暇閱武出輶嵩三
驅陳銳卒七萃列材雄寒野霜氛一作氣白平原燒火紅琬
戈夏服箭羽騎綠沈弓怖獸潛幽壑驚禽散翠空長煙
晦落景灌木振一作偃嚴風所爲除民瘼非是悅林叢

冬狩

烈烈寒風起慘慘飛雲浮霜濃凝廣隰氷厚結清流金
鞍移上苑玉勒騁平疇旌旗四望合罝羅一面求楚蹄
爭兕一作麕殪秦亡角一作解鹿愁獸忙投密樹鴻驚起礫洲騎
歛原塵靜戈廻嶺日收心非一作悲洛汭逸意在涓濱游禽
荒非所樂撫轡更招憂

春日望海